



Page: 4

Reach: 50000

Country: BOSNIA AND HERZEGOVINA

Size: 483 cm2

1 / 2

SASLUŠANJA SIPA intenzivno radi na rasvjetljavanju napada u Zvorniku

Istražuje se veza uhapšenih s teroristom Imamovićem?

Kriminalistička obrada uhapšenih Hasanovića i Mehidića ni u srijedu nije bila okončana • Ibrić prije napada boravio u Dubnici, novom uporištu vehabija u BiH • Saslušano na desetine svjedoka

Pripadnici zajedničkog istražnog tima sa SIPA-om i MUP-om RS na čelu, a po nalogu Tužilaštva BiH, i u srijedu su nastavili s istragom radi rasvjetljavanja napada u Zvorniku, koji je Tužilaštvo BiH okarakteriziralo kao teroristički, a u kojem je ubijen policajac Dragan Đurić, a zatim u razmjeni vatre i napadač Nerdin Ibrić.

Kučno liječenje

Policajci Zeljko Gajić i Stevo Milovanović, koji su u napadu lakše ranjeni, mogli bi već u narednim danima biti pušteni na kućno liječenje.

Uhapšeni Kasim Mehidić i Avdulah Hasanović, koji se dovode u vezu s ovim terorističkim napadom, i jučer su zadržani na kriminalističkoj obradi u Regionalnom centru Agencije za istrage i zaštitu (SIPA) u Tuzli, potvrđeno je za "Avaz". Boris Grubešić, portparol Tužilaštva BiH, rekao je za naš list da vjeruje da će ove osobe biti prebačene u ovu pravosudnu instituciju tek u četvrtak, a da će tužilac odlučiti šta će biti s njima.

Mehidić, pripadnik vehabijskog pokreta, uhapšen je u utorak u selu Miljanovci u Kalesiji. Obavljen je pretres njegovog stambenog objek-

ta i ostalih prostorija koje koristi, a na području Dubnice pretresen je i mesdžid, odakle je izuzeta određena dokumentacija.

Nezvanično saznajemo da se ispitivanjem uhapšenog Hasanovića, koji je i ranije hapšen u akciji "Damask" zbog sumnje da je bio pripadnik Islamske države, želi otkriti motiv napada Ibrića na Policijsku stanicu, ali i povezanost Mehidića te članova vehabijske zajednice iz Dubnice s Ibrićem, koji je mjesecima prije napada boravio u ovom kalesijskom selu.

Agencija za istrage i zaštitu već je saslušala desetine svjedoka u ovom predmetu, a fokus istrage mogao bi biti usmjeren upravo na selo Gornja Dubnica, za koje se vjeruje da je novo uporište vehabija u BiH. Nakon Bočinje, Ošva, Gornje Maoče, Gornja Dubnica, prema policijskim izvorima, postala je okupljašte radikalnih vehabija čiji je idejni vođa Nusret Imamović, jedan od najtraženijih terorista na svijetu prema ocijeni Stejt departmenta.

Iako se Imamović već mjesecima nalazi u Siriji, gdje se bori na strani Fronta El-Nusra, policijski podaci govore da se on i dalje označava kao glavna poluga u

funkcioniranju zajednice u Dubnici, a pogotovo nakon smrti Jusufa Barčića, jednog od vođa vehabija u BiH, koji je nastradao u saobraćajnoj nesreći.

Boravio u Dubnici

Upravo bi veza Imamovića s uhapšenim Hasanovićem i Mehidićem mogla otkriti stvarne nalogodavce terorističkog čina u Zvorniku.

Dženaza Ibriću u četvrtak

Dženaza ubijenom napadaču na Policijsku stanicu u Zvorniku Nerdinu Ibriću bit će obavljena u četvrtak u selu Kučić-Kula, potvrdili su nam članovi njegove porodice. Rečeno nam je da su obavljene sve pripreme za dženazu te da vjeruju da će sve proteći u najboljem redu.

Novi pretresi

U nastavku aktivnosti povodom terorističkog napada na Policijsku stanicu u Zvorniku, pripadnici zajedničkog istražnog tima pretresali su objekte na dvije lokacije na području Kalesije i Zvornika. Pretresi su vršeni po naredbama Tužilaštva BiH i Suda BiH.

ku, jer je ubijen Ibrić, prije nego što se odlučio na napad, družio s Hasanovićem, koji se nedavno vratio iz Sirije.

Ibrić je prije odluke da počini krvavi napad boravio u Dubnici, što je potvrdila i njegova porodica.

Istražitelji sumnjaju da

Page: 4

Reach: 50000

Country: BOSNIA AND HERZEGOVINA

Size: 483 cm2

2 / 2


je Ibrić vrbovan da počini terorističko djelo. *M. Aš.*

Slučaj zlostavljanja djevojke

Selo Gornja Dubnica došlo je u žižu interesiranja javnosti prije dvije godine kada je zabilježen misteriozni slučaj obrezi-

vanja djevojke Amele B., kojoj su polomljene noge i nanesene teške povrede po genitalijama. Mediji su tada objavili da je Amela bila

u braku s Enesom Mešićem, islamskim fanatikom koji stanuje u Dubnici i koji je samoprovzani ginekolog amater.



Regionalni centar SIPA-e u Tuzli



HASANOVIĆ:
Vratio se iz
Sirije

IMAMOVIĆ:
Upravlja zajed-
nicom u Dubnici